






選詩中集

晉

8 勵志詩 九章

張華

博陵劉大文澹然校



大儀幹運天迴地遊四氣鱗次寒暑環周星火既夕  
 忽焉素秋涼風振落熠燿宵流 一 吉士思秋實感物  
 化日與月與荏苒代謝逝者如斯曾無日夜嗟爾庶  
 士胡寧自舍 二 仁道不遐德翰如羽求焉斯至衆鮮  
 克舉大猷玄漠將抽厥緒先民有作貽我高矩 三 雖  
 有淑姿放心縱逸出般于遊居多暇日如彼梓材弗

唯三螢也宵流  
謂夜飛也



勤丹漆雖勞樸斲終負素質四養由矯矢獸號于林  
 蒲且縈繳神感飛禽末伎之妙動物應心研精耽道  
 安有幽深五安心恬蕩棲志浮雲體之以質彪之以  
 文如彼南畝力未既勤蔗蓁致功必有豐殷六水積  
 成川載瀾五臣作潤載清土積成山歆蒸鬱冥山不讓塵  
 川不辭盈勉志爾一作含弘以隆德聲七高以下基洪  
 由織起川廣自源成人在始累微以著乃物之理纏  
 牽之長實累千里八復禮終朝天下歸仁若金受礪  
 若泥在鈞進德修業暉光日新隰朋仰慕予亦何人  
 九

飲蒸雲霧之氣也

○ 答河劭二首

吏道何其迫窘然坐自拘纓綬為徽纆文憲焉可踰  
 恬曠苦不足煩促每有餘良朋貽新詩示我以遊娛  
 穆如灑清風煥若春華敷自昔同寮案於今比園廬  
 衰疾善作久近辱殆庶幾竝懸輿散髮重陰下抱杖臨  
 清渠屬耳聽鸞鳴流目翫儵魚從容養餘日取樂於  
 桑榆

險小魚也餘日桑榆言暮年也

○ 二

洪鈞陶萬類大塊稟群生明闇信異姿靜躁亦殊形  
 自予及有識志不在功名虛恬竊所好文學少所經

洪鈞謂天也大塊謂地也言天地陶化万物而羣生稟受也躁動

四句高超無妄意



黍荷既過任白日已西傾道長苦智短責重困才輕  
周任有遺規其言明且清負乘爲我戒夕惕坐自驚  
是用感嘉貺寫心出中誠發篇雖溫麗無乃違其情

情詩二首

清風動帷簾晨月照幽房佳人處遐遠蘭室無

五臣作燭

晨月將晚日也

容光襟懷擁虛景輕衾覆空牀居歡惜夜促在戚怨  
宵長拊枕獨嘯歎感慨心內傷

五臣作撫

二

遊目四野外逍遙獨延佇蘭蕙綠清渠繁華蔭綠渚  
佳人不在茲取此欲誰與巢居知風寒穴處識陰雨

不曾遠別離安知慕儔侶

雜詩

晷度隨天運四時互相承東壁正昏中固陰寒節升  
繁霜降當夕悲風中夜興朱火青無光蘭膏坐自凝  
重衾無暖氣挾纒如懷水伏枕終遙夕寤言莫予應  
永思慮崇替慨然獨拊膺

雜詩

傅玄

志士惜日短愁人知夜長攝衣步前庭仰觀南雁翔  
玄景隨形運流響歸空房清風何飄颻微月出西方  
繁星依青天列宿自成行蟬鳴高樹間野鳥號東廡

不才漢初遺意

重衾白萍

七淨厚

朱火燈也青無光謂寒氣迫也

選詩中

揚



纖雲時髣髴，渥露霑我裳。良時無停景，北斗忽低昂。  
常恐寒節至，凝氣結為霜。落葉隨風摧，一絕如流光。

贈何邵王濟

并序

傅咸

朗陵公何敬祖，咸之從內兄。國子祭酒王武子，咸  
從姑之外孫也。竝以明德見重於世，咸親之重之。  
情猶同生，義則師友。何公既登侍中，武子俄而亦  
作。二賢相得，甚歡。咸亦慶之，然自恨闇劣，雖願其  
繾綣而從之，末由。歷試無效，且有家人艱心，存目替  
賦詩申懷以貽之云爾。

日月光太清，列宿曜紫微。赫赫大晉朝，明明闕皇闈。

吾兄二字何力單

指劬

起必冒收拾又太急

五德金木水火土更運也  
言通相膺運以受符錄也

吾兄既鳳翔，王子亦龍飛。雙鸞遊蘭渚，二離揚清暉。  
携手升玉階，竝坐侍丹帷。金璫綴惠文，煌煌發令姿。  
斯榮非攸庶，繾綣情所希。豈不企高蹤，麟趾邈難追。  
臨川靡芳餌，何為守空坻。槁葉待風飄，逝將與君違。  
違君能無戀，尸素當言歸。歸身蓬華廬，樂道以忘饑。  
進則無云補，退則恤其私。但願隆弘美，王度日清夷。

晉武帝華林園集詩

九章

應貞

悠悠太上民之厥初，皇極肇建，彝倫攸敷。五德更運，  
膺籙晉書作受符。陶唐既謝，天歷在虞。於時上帝，  
乃顧惟眷。光我晉祚，應期納禪。位以龍飛，文以虎變。

二離日月也

玉階丹帷皆天子之庭

太上太古也言為王人之始

納禪謂受禪於魏



玄澤滂流仁風潛扇區內宅心方隅回面二天垂其

象地耀其文鳳鳴朝陽龍翔景雲嘉禾重穎實莢載

芬率土咸序晉書人胥悅欣三恢恢皇度穆穆聖容

言思其順貌思其恭在視斯明在聽斯聰登庸以德

明試以功四其恭惟何昧且不顯無理不經無義不

踐行捨其華言去其辯遊心至虛同規易簡六府孔

修九有斯靖五澤靡不被化罔不加聲教南暨

西漸流沙幽入肄善作險遠國忘遐憇裳重譯充我

皇家六峩峩列辟赫赫虎臣內和五品外威四

寶修晉書時貢職入覲天人備言錫命羽蓋朱輪七

貽宴好會不常厥數神心所受晉書不言而喻於是

肄五射弓矢斯御發彼五的有酒斯飫八文武之

道厥猷未墜在昔先王躬御茲器示武懼荒過亦為

失凡厥群后無懈于位九

雜詩

棗據

吳寇未殄滅亂象侵邊疆天子命上宰作蕃于漢陽

開國建元士玉帛聘賢良予非荆山璞謬登和氏場

羊質服虎文燕翼假鳳翔既懼非所任怨彼南路長

千里既悠邈路次限關梁僕夫罷遠跋車馬困山岡

深谷下無底高巖暨穹蒼豐艸停滋潤霧露霑衣裳

弱動之回面

景雲瑞雲也

穎不穗也莢莢

瑞草也竟為天子

莢莢生于庭

九有九州也



玄林結陰氣不風自寒涼顧瞻情感切惻愴心哀傷  
士生則懸弧有事在四方安得恒逍遙端坐守閨房  
引義割外情內感實難忘

8 補亡詩六首 並序

東哲

哲與同業疇人肄修鄉飲之禮然所詠之詩或有  
一義無辭音樂取節闕而不備于是遙想既往存思  
在昔補著其文以綴舊制

南陔

南陔孝子相戒以養也

循彼南陔言采其蘭眷戀庭闈心不遑安彼居之子

罔或遊盤馨爾夕膳潔爾晨殮循彼南陔厥艸油油  
彼居之子色思其柔眷戀庭闈心不遑留馨爾夕膳  
潔爾晨羞有獺有獺在河之浹淩波赴泊噬魴捕鯉  
嗷嗷林鳥受哺于子養隆敬薄惟禽之似勗增爾虔  
以介丕祉

白華

白華孝子之潔白也

白華朱萼被於幽薄粲粲門子如磨如錯終晨三省  
匪隋其恪白華絳趺在陵之隈藉藉士子涅而不渝  
竭誠盡敬亶亶忘劬白華玄足在丘之曲堂堂處子

隈陵角也清  
鮮明之貌涅染  
也渝安也



無營無欲鮮侔晨葩莫之黜辱

侔等也點汚也言鮮潔等丁晨葩無所點汚也

華黍

華黍時和歲豐宜黍稷也

黜黜重雲習習

善作輯輯

和風黍華陵巔麥秀丘中靡田

黜黜說習和舒之貌

不播九穀斯豐奕奕玄霄濛濛甘露黍發稠華禾

善作

英光也玄黑也霄雲也濛雨也

亦挺其秀靡田不殖九穀斯茂無高不播無下不植

芒芒其稼參參其穡穡我王委充我民食玉燭陽明

顯猷翼翼

玉燭翼明貌

由庚

由庚萬物由其道也

蕩蕩夷庚物則由之蠢蠢庶類王亦柔之道之既由

化之既柔木以秋零艸以春抽獸在于

善作

艸魚躍

順流四時遞謝八風代扇織阿案晷星變其躔五緯

不愆

善作逆

六氣無易愔愔我王紹文之跡

愔安和貌

崇丘

崇丘萬物得極其高大也

瞻彼崇丘其林藹藹植物斯高動類斯大周風既洽

王猷允泰漫漫方輿迢迢洪覆何類不繁何生不茂

物極其性人

五臣作民

永其壽恢恢大圓茫茫九壤資生

大圓天也

仰化于何不養人無道天物極則長

蠢動也亦安也

織阿月也星度也躔星度也

五緯兩陽燿風時也六氣陰愔風雨晦明也

方輿地也洪覆天也漫迢大貌



由儀

由儀萬物之生各得其儀也

肅肅君子由儀率性明明后辟仁以為政魚遊清沼  
鳥萃平五臣林濯鱗鼓翼振振其音賓寫爾誠主竭  
其心時之和矣何思何修文化內輯武功外悠

贈山濤

司馬彪

蒼蒼椅桐樹寄生於南嶽上凌青雲霓下臨千仞谷  
處身孤且危於何託余足昔也植朝陽傾枝俟鸞鷲  
今者絕世用倥偬見迫東班匠不我顧牙曠不我錄  
焉得成琴瑟何由揚妙曲冉冉三光馳逝者一何速

隱忍困苦也

中夜不能寐撫劍起躑躅感彼孔聖歎哀此年命促  
卞和潛幽冥誰能證奇璞冀願神龍來揚光以見燭

贈張華

何劭

四時更代謝懸象迭卷舒暮春忽復來和風與節俱  
俯臨清泉涌仰觀嘉木敷周旋我陋圃西瞻廣武廬  
既貴不忘儉處有能存無鎮俗在簡約樹塞焉足慕  
在昔同班司今者竝園墟私願偕黃髮逍遙綜琴書  
舉爵茂陰下携手共躊躇奚用遺形骸忘筌在得魚

遊仙詩

青青陵上松亭亭高山栢光色冬夏茂根柢無彫落

懸象日月也  
卷舒言往來



吉士懷真心悟物思遠託揚志玄雲際流目矚巖石  
美昔王子喬友道發伊洛迢遞陵峻嶽連翩御飛鶴  
抗跡遺萬里豈戀生民樂長懷慕仙類眩然心綿邈

雜詩

秋風乘夕起明月照高樹閒房來清氣廣庭發暉素  
靜寂愴然歎惆悵忽遊顧仰視垣上艸俯察階下露  
心虛體自輕飄飄若仙步瞻彼陵上栢想與神人遇  
道深難可期精微非所慕勤思終逢夕永言寫情慮

8

短歌行

樂府十七首  
陸機

陸機

置酒高堂悲歌臨觴人壽幾何逝如朝霜時無重至

得曹公遺意

華不再揚蘋以春暉蘭以秋芳來日苦短去日苦長  
今我不樂蟋蟀在房樂以會興悲以別章豈曰無感  
憂為子忘我酒既旨我有既臧短歌有詠長夜無荒

日出東南隅行

扶桑升朝暉照此高臺端高臺多妖麗瀆房出清顏  
淑貌耀皎日惠心清且閒美目揚玉澤蛾眉象翠翰  
鮮膚一何潤秀色若可餐窈窕多容儀婉媚巧笑言  
暮春春服成粲粲綺與紈金雀垂藻翹瓊珮結瑤璠  
方駕揚清塵濯足洛水瀾藹藹風雲會佳人一何繁  
南崖充羅幕北渚盈駢軒清川含藻景高岸被華丹

此首好處正是不見  
樂府

深長白先有文  
也華丹丹華也



馥馥芳袖揮冷冷纖指彈悲歌吐清響雅舞播幽蘭  
丹唇含九秋妍迹陵七盤赴曲迅驚鴻蹈節如集鸞  
綺態隨顏變沈姿無定一作源俯仰紛阿那顧步咸  
可歡遺芳結飛飈浮景映清湍冶容不足詠春遊良  
可歎

○君子行

天道夷且簡人道嶮而難休咎相乘躡翻覆若波瀾  
去疾苦不遠疑似實生患近火固宜熱履冰豈惡寒  
掇蜂滅天道拾塵惑孔顏逐臣尚何有棄友焉足歎  
福鍾恒有兆禍集非無端天損未易辭人益猶可歎

通篇六古頌注有指

入於文之榜漸與梁府特

意采

朗鑒豈遠假取之在傾冠近情苦自信君子防未然

從軍行

苦哉遠征人飄飄五臣作飄窮四遐南陟五嶺巔北戍長

城阿深五臣作深谷邈五臣作深無底崇山鬱嗟峨奮臂攀喬

木振迹涉流沙隆暑固已慘涼風嚴且苛夏條集一作

鮮藻寒氷結衝波胡馬如雲屯越旗亦星羅飛鋒

無絕影鳴鏑自相和朝食一作餐不免胄夕息常負戈

苦哉遠征人撫心悲如何

長歌行

逝矣經天日悲哉帶地川寸陰無停晷尺波豈徒旋

結

陰暑夏條南方也涼風寒氷  
北方也鮮藻謂新葉也熱極故  
佳枯樹波謂急流也寒甚故水

無情緒與休相也

浮軍以惠言南也自

陰暑夏條南方也涼風寒氷

北方也鮮藻謂新葉也熱極故

佳枯樹波謂急流也寒甚故水

逝矣悲哉便而自

體

冷、等、也、出

九秋曲名七盤楚

舞陵陵通也

飛馳風也治容

吳態也

鳴鏑響箭也



容華自壯誓二足身  
府侍

但恨功名落此處  
曾遊遠

年往信一作勁矢時來亮急弦遠期鮮克及盈數固  
希全容華夙夜零體澤坐自捐茲物苟難停吾壽安  
得延俛仰逝將過倏忽幾何間慷慨亦焉訴天道良  
自然但恨功名薄竹帛無所宣迫及歲未暮長歌乘  
我閒

苦寒行

北遊幽朔城涼野多險難五臣作艱俯入窮谷底仰陟高  
山盤凝冰結重礮積雪被長巒陰雲與巖側悲風鳴  
樹端不覩白日景但聞寒鳥噓一作猛虎憑林嘯玄  
猿臨岸歎夕宿喬木下慘愴恒鮮歡渴飲堅冰漿饑

道也  
張者山首迂曲

待零露餐離思固已久一作寤寐莫與言劇哉行役  
人慊慊恒苦寒

豫章行

汎舟清川渚遙望高山陰川陸殊塗軌懿親將遠尋  
三荆歡同株四鳥悲異林樂會良自古悼別豈獨今  
寄世將幾何日昃無停陰前路既已多後塗隨年侵  
促促薄暮景疊疊鮮克禁曷為復以茲曾是懷苦心  
遠節嬰物淺近情能不深行矣保嘉福景絕繼以音

飲馬長城窟行

驅馬陟陰山山高馬不前往問陰山候勁虜在燕然

燕然山石

与柳色

選詩中

上

刘



既軼蕩復真率不  
步身府正泓

戎車無停軌。旌旆屢徂遷。仰憑積雪巖。俯涉堅冰川。  
冬來秋未反。去家邈以綿。獫狁亮未夷。征人豈徒旋。  
未德爭先鳴。凶器無兩全。師克薄賞行。軍沒微軀捐。  
將遵甘陳迹。收功單于旃。振旅勞歸士。受爵藁街傳。

8 塘上行

江籬生幽渚。微芳不足宣。被蒙風雲會。移居華池邊。  
發藻玉臺下。垂影滄浪泉。露潤既已渥。結根與且堅。  
四節逝不處。繁華難久鮮。淑氣與時殞。餘芳隨風捐。  
天道有遷易。人理無常全。男歡智傾愚。女愛衰避妍。  
不惜微軀退。但懼一作蒼蠅前。願君廣末光。照妾薄一作歎。

暮年

長安有狹邪行

伊洛有岐路。岐路交朱輪。輕蓋承華景。騰步躡飛塵。  
鳴玉豈樸儒。憑軾皆俊民。烈心厲勁秋。麗服鮮芳春。  
余本倦遊客。豪彥多舊親。傾蓋承芳訊。欲鳴當及晨。  
守一不足矜。岐路良可遵。規行無曠跡。矩步豈逮人。  
投足緒已爾。四時不必循。將遂殊塗軌。要子同歸津。

8 門有車馬客行

門有車馬客。駕言發故鄉。念君久不歸。濡跡涉江湘。  
投袂赴門塗。攬衣不及裳。拊膺携客泣。掩淚叙溫涼。

余本倦遊遊於便  
乃是倖採少通

此來府較宿真率  
不愧在辭

朱輪貴人車也  
華景日死也



借問邦族間。惻愴論存亡。親友多零落。舊齒皆彫喪。  
市朝互遷易。城闕或丘荒。墳壟日月多。松柏鬱芒芒。  
夫道信崇替。人生安得長。慷慨惟平生。俛仰獨悲傷。

○君子有所思行

命駕登北山。延佇望城郭。廛里一何盛。街巷紛漠漠。  
甲第崇高闔。洞房結阿閣。曲池何湛湛。清川帶華薄。  
邃宇列綺牕。蘭室接羅幕。淑貌色斯升。哀音承顏作。  
人生誠行邁。容華隨年落。善哉高梁士。營生與且博。  
宴安消靈根。鳩毒不可恪。無以食肉資。取笑葵與藿。

悲哉行

遊客芳春林。春芳傷客心。和風飛清響。鮮雲垂薄陰。  
蕙艸饒淑氣。時鳥多好音。翩翩鳴鳩羽。喈喈倉庚音。  
五臣幽蘭盈通谷。長秀被高岑。女蘿亦有託。蔓葛亦  
作吟有尋傷哉客。遊士憂思一何深。目感隨氣艸。耳悲詠  
時禽。寤寐多遠念。緬然若飛沈。願託歸風響。寄言遺  
所欽。

吳趨行

楚妃且勿歎。齊娥且莫謳。四坐竝清聽。聽我歌吳趨。  
吳趨自有始。紀一作請從閭門起。閭門何峨峨。一作飛  
閣跨通波。重欒承遊極。回軒啟曲阿。藹藹慶雲被。冷

漢布列貌

湛水平貌草

木叢生曰薄



鄒世

冷祥風過山澤多藏育。土風清且嘉。秦伯導仁風。仲  
雍揚其波。穆穆延陵子。灼灼光諸華。王迹隕陽九。帝  
功興四遐。大皇自富春。矯手一作頓世羅邦。彥應運  
興。粲若春林葩。屬城咸有士。吳邑最為多。八族未足  
修。四姓實名家。文德熙淳懿。武功侔山河。禮讓何濟  
濟。流化自滂沱。淑美難窮紀。商摧為此歌。

齊謳行

營丘負海曲。沃野爽且平。洪川控河濟。崇山入高冥。  
東被姑尤側。南界聊攝城。海物錯萬類。陸產尚千名。  
孟諸吞楚夢。百二侔秦京。惟師恢東表。桓后定周傾。

天道有迭代。人道無久盈。鄙哉牛山歎。未及至人情。  
爽鳩苟已徂。吾子安得停。行行將復去。長存非所營。

前緩聲歌

遊僊聚靈族。高會層城阿。長風萬里舉。慶雲鬱嵯峩。  
宓妃興洛浦。王韓起太華。北徵瑤臺女。南要湘川娥。  
蕭肅宵駕動。翩翩翠蓋羅。羽旗棲瓊鸞。玉衡吐鳴和。  
太容揮高絃。洪崖發清歌。獻酬既已周。輕舉乘紫霞。  
總轡扶桑枝。濯足湯谷波。清輝溢天門。垂慶惠皇家。

猛虎行

渴不飲盜泉水。熱不息惡木陰。惡木豈無枝。志士多

有岸處但岸便  
石是樂府

太容皇帝景  
師洪崖三皇  
時使人也扶  
桑陽谷皆日  
出也



時多偶句中有數句  
不是宋府作

苦心整駕蕭時命。杖策將遠尋。饑食猛虎窟。寒棲野  
雀林。日歸功未建。時往歲載陰。崇雲臨岸駭。鳴條隨  
風吟。靜言幽谷底。長嘯高山岑。急絃無懦響。亮節難  
為音。人生誠未易。曷云開此衿。眷我耿介懷。俯仰媿  
古今。

○ 皇太子宴玄圃宣猷堂有令賦詩

三正迭紹。洪聖啟運。自昔哲王。先天而順。群辟崇替。  
降及近古。黃暉既渝。素靈承祐。乃眷斯顧。祚之宅土。  
三后始基。世武丕承。協風旁駭。天啓仰澄。淳耀六合。  
皇慶攸興。自彼河汾。奄齊七政。時文惟晉。世篤其聖。

駭散也。澄謂不  
薄也。

欽翼昊天。對揚成命。九區克咸。謳歌以詠。皇上纂隆。  
經教弘道。于化既豐。在工載考。俯釐庶績。仰荒大造。  
儀刑祖宗。安綏天保。篤生我后。克明克秀。體輝重光。  
承規景數。茂德淵冲。天姿玉裕。蕞爾小臣。邈彼荒遐。  
弛厥負擔。振纓承華。匪願伊始。惟命之嘉。

○ 贈馮文羆遷斥丘令 八章

於皇聖世。時文惟晉。受命自天。奄有黎獻。閭闔既闢。  
承華再建。明明在上。有集惟彥。奕奕馮生。哲問允  
迪。天保定子。靡德不鑠。邁心玄曠。矯志崇邈。遵彼承  
華。其容灼灼。嗟我人斯。戢翼江潭。有命集止。翻飛

秋為陰步載  
陰猶云步又暮



自南出自幽谷及爾同林雙情交映遺物識心三人  
亦有言交道實難有頹者并千載一彈今我與子曠  
世齊歡利斷金石氣惠秋蘭四群黎未綏帝用勤止  
我求明德肆于百里僉曰爾諧俾民是紀乃眷北徂  
對揚帝祉五疇昔之遊好合纏綿借曰未給五官亦  
既三年居陪華幄出從朱輪方驥齊鑣比迹同塵六  
之子既命四牡項領遵塗遠蹈騰軌高騁慶雲扶質  
清風承景嗟我懷人其邁唯永七否泰有善作殊窮  
達有違及子春華後爾秋暉逝將去我陟彼朔陲非  
子之念心孰為悲八

頂領駕木項上

遊朔北方也陸  
邊也

因雨思友

贈尚書郎顧彥先二首

大火貞朱光積陽熙自南望舒離金虎屏翳吐重陰  
淒風迂時序苦雨遂成霖朝遊忘輕羽夕息憶重衾  
感物百憂生纏綿自相尋與子隔蕭牆蕭牆阻且深  
形影曠不接所託聲與音音聲日夜闊何用慰吾心

二

朝遊遊層城夕息旋直廬迅雷中霄激驚電光夜舒  
玄雲拖朱閣振風薄綺疏豐注溢修霤潢潦浸階除  
停陰結不解通衢化爲渠沈稼湮梁穎流民泝荆徐  
眷言懷桑梓無乃將爲魚

因友思鄉

雷聲守也



○ 贈顧交趾公貞

顧侯體明德。清風肅已邁。發迹翼藩后。改授撫南裔。  
伐鼓五嶺表。揚旌萬里外。遠績不辭小。立德不在大。  
高山安足凌。巨海猶縈帶。惆悵瞻飛駕。引領望歸旆。

贈馮文熙

昔與二三子。遊息承華南。拊翼同枝條。翻飛各異尋。  
苟無凌風翮。徘徊守故林。慷慨誰爲感。願言懷所欽。  
發軔清洛汭。驅馬大河陰。佇立望朔塗。悠悠迥且深。  
分索古所悲。志士多苦心。悲情臨川結。苦言隨風吟。  
愧無雜佩贈。良訊代兼金。夫子茂遠猷。欵誠寄惠音。

贈從兄車騎

孤獸思故藪。離鳥悲舊林。翩翩遊宦子。辛苦誰爲心。  
髣髴谷水陽。婉孌崑山陰。管魄懷茲土。精爽若飛沈。  
寤寐靡安豫。願言思所欽。感彼歸塗艱。使我怨慕深。  
安得忘歸艸。言樹背與襟。斯言豈虛作。思鳥有悲音。

贈弟士龍

行矣怨路長。恣焉傷別促。指途悲有餘。臨觴歡不足。  
我若西流水。子爲東時嶽。慷慨逝言感。徘徊居情育。  
安得携手俱。契闊成駢服。

○ 爲顧彥先贈婦二首



辭家遠行遊悠悠三千里京洛多風塵素衣化爲緇  
修身悼憂苦感念同懷子隆思亂心曲沈歎滯不起  
歡沈難克興心亂誰爲理願假歸鴻翼翻飛游江汜

隆繁也

○二

東南有思婦長歎充幽闥借問歎何爲佳人眇天末  
遊宦久不歸山川修且闊形影參商乖音息曠不達  
離合非有常譬彼絃與管願保金石軀慰妾常饑渴

於承明作與弟士龍

牽世嬰時網駕言遠徂征飲餞豈異族親戚弟與兄  
婉變居人思紆鬱遊子情明發遺安寐晤言涕交纓

嬰纒也婉變  
深思說

分途長林側揮袂萬始亭佇盼要遐景傾耳玩餘聲  
南歸憇永安北邁頓承明永安有昨軌承明子棄予  
俯仰悲林薄慷慨含辛楚懷往歡絕端悼來憂成緒  
感別慘舒翮思歸樂遵渚

荅賈謐 十一 章 竝序

余昔爲太子洗馬魯公賈長淵以散騎常侍侍東  
宮積年余出補吳王郎中令元康六年入爲尚書  
郎魯公贈詩一篇作此詩荅之云爾

伊昔有皇肇濟黎蒸先天創物景命是膺降及群后  
迭毀迭興邈矣終古崇替有徵一在漢之季皇綱幅

永安承明皆亭也



裂大辰匿暉金虎曜質雄臣馳驚義夫赴節釋位揮  
戈言謀王室二王室之亂靡邦不泯如彼墜景曾不  
可振乃眷三哲俾乂斯民啓土雖一作綏難改物承天  
三爰茲有魏卽宮天邑吳實龍飛劉亦岳立干戈載  
揚俎豆載戢民勞師典國玩凱入四天厭霸德黃祚  
告釁獄訟違魏謳歌適晉陳留歸蕃我皇登禪庸岷  
稽顙三江改獻五赫矣隆晉奄宅率土對揚天人有  
秩斯祐惟公太宰光翼二祖誕育洪胄纂戎于魯六  
東朝旣建淑問峨峨我求明德濟同以和魯公戾止  
袞服委蛇思媚皇儲高步承華七昔我逮茲時惟下

僚及子棲遲同林異條年殊志比服舛義稠遊跨三  
春情固二秋八祇承皇命出納無違往踐蕃朝來步  
紫微升降秘閣我服載暉孰云匪懼仰肅明威九分  
索則易携手實難念昔良遊茲焉永歎公之云感貽  
此音翰蔚彼高藻如玉如蘭十惟漢有木曾不踰境  
惟南有金萬邦作詠民之胥好狷狂厲聖儀刑在昔  
予聞子命十一

荅張士然

潔身躋秘閣秘閣峻且玄終朝理文案薄暮不遑瞑  
駕言巡明祀致敬在祈年逍遙秦玉圃五臣作圃躑躅千



畝田迴渠繞曲陌。通波扶直阡。嘉穀垂重穎。芳樹發  
華顛。余固水鄉士。總轡臨清淵。戚戚多遠念。行行遂  
成篇。

赴洛二首

希世無高符。營道無烈心。靖端肅有命。假檝越江潭。  
親友贈予邁。揮淚廣川陰。撫膺解携手。永歎結遺音。  
無迹有所匿。寂寞聲必沈。肆目眇不及。緬然若雙潛。  
南望泣玄渚。北邁涉長林。谷風拂修薄。油雲翳高岑。  
疊疊孤獸騁。嚶嚶思鳥吟。感物戀堂室。離思一何深。  
佇立慨我歎。寤寐涕盈衿。惜無懷歸志。辛苦誰爲心。

緬猶遠也

玄渚江中洲渚

堂謂母室謂

二

羈旅遠遊宦。託身承華側。撫劍遵銅輦。振纓盡祗肅。  
歲月一何易。寒暑忽已革。載離多悲心。感物情悽惻。  
慷慨遺安豫。五臣作念永歎廢寢餐。善作食思樂樂難誘曰。  
歸歸未克憂。苦欲何爲纏。綿胸與臆仰。瞻凌霄鳥羨。  
爾歸飛翼。

赴洛道中作二首

二首

總轡登長路。嗚咽辭密親。借問子何之。世網嬰我身。  
永歎遵北渚。遺思結南津。行行遂已遠。野途曠無人。  
山澤紛紆餘。林薄杳阡眠。虎嘯深谷底。鷄鳴高樹巔。

嗚咽悲哀也

阡原野之



哀風中夜流孤獸更我前悲情觸物感沈思鬱纏綿  
佇立望故鄉顧影悽自憐

二

遠遊越山川山川修且廣振策陟崇丘安轡遵平莽  
夕息抱影寐朝徂銜思往頓轡倚高巖側聽悲風響  
清露墜素輝明月一何朗撫枕不能寐振衣獨長想

○ 吳王郎中時從梁陳作

在昔蒙嘉運矯迹入崇賢假翼鳴鳳條濯足升龍淵  
玄冕無醜士冶服使我妍輕劍拂鞶厲五臣作厲長纓麗  
且鮮誰謂伏事淺契闊踰三年薄言肅後命改服就

典雅沉厚自是正  
音

藩臣夙駕尋清軌遠遊越梁陳感物多遠念慷慨懷

古人

○ 擬行行重行行

悠悠行邁遠戚戚憂思深此思亦何思思君徽與音

音徽日夜離緬邈若飛沈玉鮒懷河岫晨風思北林

遊子眇天末還五臣作遠期不可尋驚飈塞反信歸雲難

寄音佇立想萬里沈憂萃我心攬衣有餘帶循形不

盈衿去去遺情累安處撫清琴

○ 擬今日良宴會

閒夜命懽友置酒迎風館齊僮梁甫吟秦娥張女彈

游子以後十句懈淺  
不設古詩

有古意

王鮪魚名

帶長衿寬言  
消瘦也



古名古音無有豎  
淡

哀音繞棟宇。遺響入雲漢。四座咸同志。羽觴不可笑。  
高譚。一何綺蔚。若朝霞爛。人生無幾何。為樂常苦宴。  
譬彼何晨鳥。揚聲當及旦。身為恒憂苦。守此貧與賤。

○ 擬迢迢牽牛星

昭昭清漢輝。粲粲光天步。牽牛西北迴。織女東南顧。  
華容一何冶。揮手如振素。怨彼河無梁。悲此年歲暮。  
跂彼無良緣。睨焉不得度。引領望大川。雙涕如露露。

擬涉江采芙蓉

上山采瓊蕊。窮谷饒芳蘭。采采不盈掬。悠悠懷所歡。  
故鄉一何曠。山川阻且難。沈思鍾萬里。躑躅獨吟歎。

掬把也

涉而不永

不淨融

擬青青河畔草

靡靡江籬艸。熠熠生河側。皎皎彼姝女。阿那當軒織。  
粲粲妖容姿。灼灼美顏色。良人遊不歸。偏棲獨隻翼。  
空房來悲風。中夜起歎息。

○ 擬明月何皎皎

安寢北堂上。明月入我牖。照之有餘輝。攬之不盈手。  
涼風繞曲房。寒蟬鳴高柳。踟躕感節物。我行永已久。  
遊宦會無成。離思難常守。

擬蘭若生朝陽

嘉樹生朝陽。凝霜封其條。執心守時信。歲寒終不彫。



美人何其曠灼灼在雲霄隆想彌年月長嘯入飛颺  
引領望天末譬彼向陽翹

擬青青陵上栢

冉冉高陵蘋習習隨風翰人生當幾時譬彼濁水瀾  
戚戚多滯念置酒宴所歡方駕振飛轡遠遊入長安  
名都一何綺城闕鬱盤桓飛閣纓虹帶層臺冒雲冠  
高門羅北闕甲第椒與蘭俠客控絕景都人駮玉軒  
遨遊放情願慷慨爲誰歎

擬東城一何高

西山何其峻層曲鬱崔嵬零露彌天墜蕙葉憑林衰  
寒暑相因襲時逝忽如頽三閭結飛轡大耋嗟落暉  
曷爲牽世務中心若有違京洛多妖麗玉顏侔瓊蕤  
閒夜撫鳴琴惠音清且悲長歌赴促節哀響逐高徽  
一唱萬夫歎再唱梁塵飛思爲河曲鳥雙遊澧水湄

○ 擬西北有高樓

高樓一何峻迢迢善作若若峻而安綺牕出塵冥飛陛躡  
雲端佳人撫琴瑟纖手清且閒芳氣隨風結哀響覆  
若蘭玉容誰能五臣作得顧傾城在一彈佇立望日昃躑  
躑再三歎不願佇立久但願歌者歡思駕歸鴻羽比  
翼雙飛翰



有佳人竟不歸之句  
別飲友可者

過怨友生

日奇秀

○擬庭中有奇樹

歡友蘭時往。迢迢匿音徽。虞淵引絕景。四節逝若飛。  
芳艸久已茂。佳人竟不歸。躑躅遵林渚。惠風入我懷。  
感物戀所歡。采此欲貽誰。

擬明月皎夜光

歲暮涼風發。昊天蕭明明。招搖西北指。天漢東南傾。  
朗月照閒房。蟋蟀吟戶庭。翩翩歸雁集。嘒嘒寒蟬鳴。  
疇昔同宴友。翰飛戾高冥。服美改聲聽。居愉遺舊情。  
織女無機杼。大梁不架楹。

○招隱

明發心不爽。振衣聊躑躅。躑躅欲安之。幽人在浚谷。  
朝采南澗藻。夕息西山足。輕條象雲構。密葉承翠幄。  
激楚佇蘭林。回芳薄秀木。山溜何泠泠。飛泉激鳴玉。  
哀音附靈波。頽響赴曾曲。至樂非有假。安事澆淳樸。  
富貴苟難圖。稅駕從所欲。

○園葵詩

種葵北園中。葵生鬱萋萋。朝榮東北傾。夕頽西南晞。  
零露垂鮮澤。朗月耀其輝。時逝柔風戢。歲暮商飈飛。  
曾雲無溫液。嚴霜有凝威。幸蒙高墉德。玄景蔭素蕤。  
豐條竝春盛。落葉後秋衰。慶彼晚彫福。忘此孤生悲。

詩三小意也

浚深也

雲構大廈也

商飈秋風也



挽歌三首

卜擇考休貞。嘉命咸在茲。夙駕警徒御。結轡頓重基。  
龍梳一作荒被廣橋。前驅矯輕旗。殯宮何嘈嘈。哀響沸  
中闈。中闈且勿謹。聽我薤露詩。死生各異倫。祖載當  
有時。舍爵兩楹位。啟殯進靈輜。飲餞觴莫舉。出宿歸  
無期。惟衽曠遺影。棟宇與子辭。周親咸犇湊。友朋自  
遠來。翼翼飛輕軒。駸駸策素驥。按轡遵長薄。送子長  
夜臺。呼子子不聞。泣子子不知。歎息重觀側。念我疇  
昔時。三秋猶足收。萬世安可思。殉沒身易亡。救子非  
所能。含言言哽咽。揮涕涕流離。

重基也

嘈哀哭聲

湊集也

翼車輕貌駸馬奔貌

掘棺也

二

流離親友思。惆悵神不泰。素驂佇輜軒。玄駟驚飛蓋。  
哀鳴興殯宮。迴遲悲野外。魂輿寂無響。但見冠與帶。  
備物象平生。長旌誰為飾。悲風激五臣作發行軌。傾雲結  
流靄。振策指靈丘。駕言從此逝。

靈丘墓也

三

重阜何崔嵬。玄廬竄其間。磅礴立四極。穹隆放蒼天。  
側聽陰溝涌。臥觀天井懸。壙五臣作廣宵何寥廓。大暮安  
可晨。人往有返歲。我行無歸年。昔居四民宅。今託萬  
鬼隣。昔為七尺軀。今成灰與塵。金玉素所佩。鴻毛今

玄廬謂墓

也窳藏也

磅礴地也穹隆

天也



不振豐肌饗螻蟻妍姿一作永夷泯壽堂延魑魅虛  
無自相寶螻蟻爾何怨魑魅我何親拊心痛荼毒永  
歎莫為陳

大將軍宴會被命作詩六章

陸雲

皇皇帝祜誕隆駿命四祖正家天祿保一作定獻哲

惟晉世有明聖如彼日月萬景攸正魏魏明聖道

隆自天則明分爽觀象洞玄陵五臣作凌風叶極一作絕

輝照淵肅雍往播福祿來臻二在昔奸臣稱亂紫微

神風潛駭有赫茲威靈旗樹旆如電斯揮致天之屈

于河之沂有命在集皇典凱歸三頽綱既振品物咸

有手筆

秩神道見素遺華反質辰晷重光協風應律函夏無

塵海外存謚四芒芒宇宙天地交泰王在華堂式宴

嘉會玄暉峻朗翠雲崇藹冕弁振纓藻服五臣垂帶

五祁祁臣僚有來雍雍薄言載考承顏下風俯覲嘉

容仰瞻玉容施已唯約于禮斯豐天錫難老如岳之

崇六

為顧彥先贈婦往返二首

悠悠君行邁煢煢妾獨止山河安可踰永路隔萬里

京室多妖冶粲粲都人子雅步擢纖腰巧言發皓齒

佳麗良可美衰賤焉足紀遠蒙眷顧言銜恩非望始

古人作詩二首以漫力之  
試則首篇則無頭腦則  
二篇則意蘊不暢有不通  
不強之勢也

壽堂承祀處

孟夏華夏也

誼靜也言內清

外靜也

玄暉天日也峻河

高明也

祁家說雅和

悅也



善為古調者辭既不  
襟意復純深

〇二

浮海難為水遊林難為觀容色貴及時朝華忌日晏  
皎皎彼姝子灼灼懷春粲西城善雅舞總章饒清彈  
鳴簧發丹唇朱絃繞素腕輕裾猶電揮雙袂如霧散  
華容溢藻幄哀響入雲漢知音世所希非君誰能讚  
棄置北辰星問此玄龍煥時暮復何言華落理必賤

荅兄機

悠悠塗可極別促怨會長銜思善作思戀行邁興言在  
臨觴南津有絕濟北渚無河梁神往同逝感形留悲  
參商衡軌若殊迹牽牛非服箱

荅張士然

行邁越長川飄颻冒風塵通波激枉渚悲風薄丘榛  
修路無窮迹井邑自相循百城各異俗千室非良隣  
歡舊難假合風土豈虛親感念桑梓域髮鬢眼中人  
靡靡日夜遠眷眷懷苦辛

關中詩 十六章

潘岳

於皇時五臣作乃晉受命既固三祖在天聖皇紹祚德博  
化光刑簡枉錯微火不戒延我寶庫一蠢爾戎狄狡  
焉思肆虞我國青窺我利器嶽牧慮姝威懷理二將  
無專策兵不素肄二翹翹趙王請徒三萬朝議惟疑

枉渚曲渚也  
丘墓上榛棘

趙三出犀說



未逞斯願桓桓梁征高牙乃建旗蓋相望偏師作援

虎視眈眈威彼好時素甲日耀玄幕雲起誰其繼

之夏侯卿士惟系惟處別營暴時四夫豈無謀戎士

承平守有完郭戰無全兵鋒交卒奔孰免孟明飛檄

秦郊告敗上京五周殉師令身膏氏斧人之云亡貞

節克舉盧播違命投畀朔土為法受惡誰謂荼苦六

哀此黎元無罪無辜肝腦塗地白骨交衢夫行妻寡

父出子孤俾我晉民化為狄俘七亂離斯瘼日月其

稔天子是矜肝食晏寢主憂臣勞孰不祗慄愧無獻

納尸素以甚八皇赫斯怒爰整精銳命彼上谷指日

遄逝親奉成規稜威遐厲首陷中亭揚聲萬計九兵

固詭道先聲後實聞之有司以萬為一紂之不善我

未之必虛晶浦德繆彰甲吉十雍門不啓陳汧危偪

觀遂虎奮感恩輸力重圍克解危城載色五臣豈曰

無過功亦不測十一情固萬端于何不有紛紜齊萬

亦孔之醜日納其降日梟其首疇真可掩孰偽可久

十二既徵爾辭既蔽爾訟當乃明實否則證空好爵

既五臣靡顯戮亦從不見竇林伏尸漢邦十三周人

之詩寔曰采薇北難獫狁西患昆夷以古況今何足

矍威徒愍斯民我心傷悲十四斯民如何荼毒于秦

二句不安

桓武說

素甲明光甲也



師旅既加。饑饉是因。疫癘淫行。荆棘成榛。絳陽之粟。淨于滑濱。十五明明天子。視民如傷。申命群司。保爾封疆。靡暴于衆。無陵于疆。惴惴寡弱。如熙春陽。十六

為賈謐作贈陸機 十一章

肇自初創。二儀網緼。粵有生民。伏羲始君。結繩闡化。八象成文。芒芒九有。區域以分。一神農更玉。軒轅承紀。畫野離疆。爰封衆子。夏殷既襲。宗周繼祀。綿綿瓜瓞。六國互峙。二疆秦兼并。吞滅四隅。子嬰面觀。漢祖膺圖。五臣靈獻微弱。在涅則渝。三雄鼎足。孫啟南吳。三南吳伊何。僭號稱王。大晉統天。仁風遐揚。偽孫銜



